



## 園咧鎮地，擲掉討債

摒掃對我來講是大工事，今年倚年特別烏寒閣直直落雨，操煩毋知敢會烏龜滿，滿到二九暗？想著愛沐冷吱吱的水有夠畏。我本成就無蓋骨力，腰脊骨真荏，整理物件閣真預顛，就按呢拖拖沙沙，想講「時到時擔當，無米才來煮番薯湯。」時間一工一工過，時到日到矣，唉！無掖種就無收成，姑不將手腕擎起來就共摒落去。

衫仔櫥門關袂峇、冊櫃強欲爆炸、鞋箱仔的鞋襪甲飽飽飽、桌頂的筆記伶文具掖甲拏 ká-ká，欲捏物件攏無地擲，四界看起來是腌哩腌臢。咱生活中 li-li-khok-khok 的物件一大堆，攏想講日後無定著會用著，毋甘共擲掉。有的物件是有特別紀念性的意義，有的是人誠心送予我的，若清彩就共擲掉敢袂傷無情？

較早若講一個人拏拾，是呵咾的話；這馬聽人講拏拾，應該是供體人的意思較濟。專家講每一口灶加減攏有一寡物件，若經過一段時間攏無用著，就愛共抨掉。毋過艱苦年代出身，愛物惜物的觀念，予我抨袂落手。高中同窗伶我真峇的朋友，可能看阮兜亂甲無天理，就送日本人寫的「斷、捨、離」這本冊予我，看我是毋是會當恢復理智？

啥物是斷、捨、離？冊內底寫「斷」是斷絕無需要的物件，欲買物件進前愛想予清楚，用袂著的物件毋通提轉來，買物件干焦買需要的；「捨」是整理無路用的廢物，看是欲共賣掉抑是送人；「離」是脫離對物質的追求。

當然囉，擲物件講起來簡單，做起來真為難，欲共開錢買的，猶好 liu-liu 的物件擲掉，心肝頭攏會疼 tiuh-tiuh。若按呢咱會使對有時效性的物件先擲，親像過期的食品、保養品等等，擲起來較袂有罪惡感。繼落來，若毋甘做一擺共物件擲甲離離離，就分做兩、三擺來處理。有的物件園咧嫌鎮地，擲掉閣傷討債，就暫時園跔邊仔，等一段時間了後，才閣來處理。佇這段時間會當探聽敢有人欲捏，若拄好有粟收落好米籬，行著卯字運，予伊揣著新主人，這就有影功德圓滿囉。

作者：張逸嫻

### ☆詞彙學習☆

【摒掃】piànn-sàu：打掃。清潔、掃除清理。

【烏寒】oo-kuân：陰冷、嚴寒。

【畏】ùi：厭惡不喜。

【預顛】hân-bân：形容人愚笨、遲鈍、笨拙、沒有才能。

【襪】tsinn：塞、擠。

【無定著】bô-tiann-tiòh：也許、說不定。

【拏拾】khioh-sip：節省、節儉。

【供體】king-thé：以譬喻或含沙射影的方式罵人。

【米籬】bí-luâ：用竹篾編成，用以盛裝米糧的竹器。